



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 90. Recentes copiae utrinque toto studio collectæ.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

Sæc XVI.
A C 1566

cum recentibus, quas adduxerant copiis prodibant, ut factionis suæ honorem repararent, cum autem hostem, quocum dimicarent, non offenderent, Capellam Pagum incenderunt, atque Andelotus usque ad primum Parisini suburbii munimentum progressus fuit, ubi nemine obsistente cum toto suo peditatu nonnisi molatrinæ, quæ sola ei restiterat, vim admoveri jubet: illam vero ampla fossa cinctam Guerrerius Parisinus strenuus Ordinum Ductor tuebatur, qui cum exiguo admodum suorum numero aggressores repulit, atque Andelotum fugere compulit, qui tamen inde sub tubarum sonitu recedebat, perinde acsi victoriam reportasset.

§. XC.

Recentes copiarum utrinque toto studio collectarum.

La Povel.
hist de Franc.
l. 12.

Davila l. 4.

Thuan. l. 42.

Interea ambæ partes in omnibus Provinciis pro suo quisque exercitu milites conscribere, ac belli vel maxime cruenti classicum canere satagebant, & quidem Rex suppetias ab Italis, atque Hispanis sollicitabat, & rebelles ab Anglis opem quærebant, ab utraque autem parte Germani ad ferenda auxilia urgebantur: verum Elisabetha petitam opem ferre recusabat, caussata pacem non ita pridem cum Gallis initam;

in-

Sæcul. XVI.
A. C. 1567.

insuper querebatur de Calvinistis, quod ipsi, quamvis illos pecuniis, ac milite in primis tumultibus juvisset, Anglos tamen, quorum ope rebus suis utiliter prospexerant, deseruissent, imo etiam in obsidione Portus - Gratia adversus eos dimicassent. Interim Rex Bochatelum Rhedonum Episcopum ad Principes Germanos ablegabat, ut eorum quosdam ad milites suppeditandos induceret, alios vero a suppetiis in rebellium subditorum favorem ferendis dehortaretur, ipsisque exponeret, quod in presentibus turbis Franciam agitantibus non propugnaretur religionis causa, cum sua Protestantibus libertas constaret, nec eorum conscientis ulla vis inferretur, adeo, ut bona, honores, integraque omnia eis manerent, hinc duntaxat ageretur de seditione, quam ex regiis subditis quidam excitarunt, quorum malitia eo temeritatis devenit, ut in ipsam sacratam Majestatis suæ personam manus injicere pararent, imo, & Regem a Meldensi urbe Parisios usque armis insequi, ipsumque in sua Metropoli cinctum tenere ausi fuissent. Ceterum Badensis Marchio quatuor equitum millia Regi pollicebatur, Saxoniae vero Dux, & Marchio Brandeburgicus, necnon Hassiæ Landgravius contra Franciæ Regem antiquo foedere eis

jun-

Sæcul. XVI. junctum milites conscribere prohibuerunt.
 A.C. 1567.

§. XCI.

Condæus Princeps Monasteriolum secedens.

*Thuan. l. v.
 Mem. de Casteln. l. 6.
 c. 8.*

Postmodum Condæus Princeps, cum se in urbe, ubi morabatur, unacum suis obsideri pertimesceret, cum exercitu suo Monasteriolum quarta post pugnam die secessit, datisque literis Calvinistas, qui adhuc Pictavii, Engolismæ, & apud Santones hærebant, monuit, ut prompte in aciem copias suas educerent, & quascunque possent, urbes occuparent. Jam priori Mense Februario Rupellam ceperant, eoquod Franciscus Putardus Truchares recens electus hujus urbis Rector hæreticis ad dictus Santerminio, qui se Condæi Principis Legatum dicebat, portam aperuisset: insuper sub idem tempus Condæus Princeps validas suppetias a Palatino Rheni Comite acceperat, nec minus Aquitani, Engolismenses, Santones, & Pictavienles Condæi jussis fideliter obtemperantes intra breve tempus numerosum contraxerunt exercitum, quo recens militia a Protestantibus conscripta in Delphinatu, Occidania, Borbonia, Alverniis, Fori, & alibi augebatur.

Al-